

اقتصادیات

نومبر ۱۷

پنجشنبہ

۷ کانون ثانی ۱۳۲۴

قولندیرمه دن حقوق دول ترجمه و تدريس ایده مزله . چونکه خطیبات میدانده .

A bon entendeur salut !

احمد صلاح الدین

هوسکاران دیپلوماسی به

ایشته بوکون منحصراً مسلک سیاسی به عائد بعض ملاحظاته کیریشیورم . دیپلومات سلکینک دقایق وغوامضدن بر چوق آثار معتبره موجود ایکن بنم بویه بر قاج مقاله ایله ارائه طریقه تشبیه احتمالکه جرأتکارانه بر تشبیه عداولنه بیلور . انجیق فکر مه کوره کرک حقوق دول کتابلرنده کرک « مارتنس » ک « رهبر دیپلوماسی » نام اثری کی مؤلفانده دیپلوماتلره حصر ایدیلن مباحثات صرف نظریدر . بومباحثات شبهه سر دقتله معالعه ایدلمکه شایسته ايسده سفارات معینه ایلك دفعه اوله رق کیده جک کنجیلر ایچون ده لزومی درجه سنده وصایای فعلیه یی کافی کوره مدیکمدن شونقیصه یی الدن کلدیکی مرتبه اکیال ایتمک ایتدم . حسن نیتمله مناسب اوله مسه بیه مقصده از چوق یاقلاشه جق بعض معلومات سردینه موفق اولورسم بنجه کافیدر .

بر سفارت کاتینک وظائف مودوعه یی حسن ایفا ایچون رعایت ایتمی ایجاب ایدن شرائط اساسیه دن باشلوجه سی ایشنده مقدم وانتظام پرور اولمسیدر . ملکتمزک بالنسبه ساده ساکنانه . حق قلندرانه بر معیشتدن صکره اوروپانک دغدغه لی اولدینی قدر شعشعلی واکلتجلی عالمترینه طالوبده وظیفه ده تکامل ایتمک جای مسئولیتدر . دوشونملیدر که دولت وملت اوروپا به کوندیرلن مأمورلردن خدمت بکار ، بو خدمت شرفی اولدینی مرتبه نازک ومهمدر .

بناءً علیه وظیفه یی هر شیئه تقدیم ایتلی ، وبوکون کوریه بیه جک بر ایشی فردایه تعلیق ایتملمیدر . خصوصاکه سفارات ایشلری معین اولمیوب هیچ برایش اولیه جفته حکم ایدلیدی بر زمانده برخیلی مسائل تحذات ایده بیه جکندن بوکی

ظهورات سؤقیله‌الد بولنا نلرک سور و نجه‌ده قالملی احتمالی همیشه تأمل اولنهرق وقت وزمانیله تسویه‌اموره غیرت ایتملیدر . بوالده قالان ایشلر یامصالح تبعه‌به و یا حقوق دولته عائددر . حقوق دولت بالطبع حقوق عبادہ ترجیح اولنورسده بر مجبوریّت اولمدقجه بریکیلر نده‌ده تسامح جائز اوله‌مز ، مأمورین سه فارت منافع دولتی محافظه‌یه نه‌درجه مکلف ایسه‌لر حقوق تبعه‌یی وقایه‌یه دخی او مرتبه مجبوردر . بو وظائفک صورت ایفاسنه کلنجه بعض مأمورلر ماصه باشنده چاله قلم یازی یازمقله حسن ایفای وظیفه ایتمش اولدقلرینه زاهب اولورلر . بو ذهاب قدر فاحش بر خطا اوله‌مز! ماصه باشنده کوریلان ایش وظیفه‌نک صرف «مقایک» قسمیدر ، اصل وظیفه خارجه‌ده‌در . غیور ، فعال ، وفطین بر مأمور متیقظ بولملی ، دائماً محافل سیاسیّه آرهنده طولاشملیدر . آجیقه‌جه‌سی قولاغی سسده برونی قوقوده اولملیدر که دولت متبوعه‌سنه وقت وزمانیله وصحت و وثوق ایله معلومات ویره بیلسون . دور سابقده سفارتلر مرکز باشلوجه انظار دقتی غزته‌لرک نشریاتنه وکنج ترکلرک تحریکاتنه معطوف و منحصر قالیر . دولت اکثریا احوال عمومیه‌سیاسیه‌دن بی‌خبر بولنوردی . دولترک نیات و تصوراتنه ، افکار و تمایلاتنه واقف اولمقسزین تعقیب ایدیله‌جک بر مسلکده اصابت اوله‌میه‌جنی کبی پک بیوک فرصتلر قاجیر یله‌جنی‌ده درکاردر . غفلتمزک اک صوک آئارندن بریسی ، یوق ، ایکسی‌ده بلغارستانک استقلالی ایله بوسنه وهرسکک الحاقی کیفیتلریدر . اوروپا مطبوعاتنه باقیلورسه روسیه و الماسیا حکومتلری اوستریانک بوتص رندن خبردار اولمشلر ، هیچ اولمزسه بونی سزمشلردر ؛ هله برنس فردینساند موثوقاً استخبار ایتمش ، حتی بونک ایچون اعلان استقلالنی تسریع ایتمش ! بزم دیپلوماتلر مز نه ایچون خبر اله‌ما مشلر سئوالی وارد اولمز می ؟ خصوصاً که بلغارستان ، اعلان استقلالدن اول برای تعلیم سلاح الته الدینی عسکرینی معین اولان النی هفته‌نک کذرانند . صکره برخیلی مدت ترخیص ایتماش ایکن بوتمدید مدت کیفیتی نظره جار پاماش دینیلدور . اشته بوکبی حاللرهب دقتسزلک ، هپ غفلت اثریدر . مأمورین سفارت یوقاروده سویلدیکم وجهله متیقظ طاوورانورسه

بویکی خطالرك وقوعی احتمالی آزالیر. شوقدرکه یالکیز متیقظ بولمق ده تأمین مقصدی کافل دکلر . کورشدیکمز ذواتی سویاتمه نك ده یولنی بیلملیدر . بوبابده ائک زیاده لازم وواجب ارلان شی اولا هرکسله حسن مناسیابده بولمق وثنایاً کورشدیکمز ذواتک امنیت تامه سی جلب ایچون قاعده محرمیته تمامی رعایت ایلماق خصوصیلیدر . اوت «هرکسله حسن مناسیابده بولمق» دیپلوماتلک شرائط اساسیه سندندر بعضاً ائک عای ، ائک اهمیتسز براموردن ، حتی آحاد ناسدن برکمه دن پک مفید ، پک مهم معلومات الیه یلور ، حتی دیپلوماتلرك خدمات استقصاییه سنه ائک زیاده بومقوله کسان یارار ؛ بونلرکاه آمرلرینک ، وکاه رفیقلرینک احتیاطسزانی ویا قیدسزانی سوقیله بعضاً پک مهم ایشلره کسب وقوف ایتمش اوله یلورلر . اوله کوچک مأمورلرایسه کویا مذسوب اولدقلری دائره ده برموقع مهم احراز ایتدکلربی ، آمرلرینک امنیتنی حائر بولسدقلرینی ادعا ایده بیلمک سوداسیله معلومات فروشلنی سورلر ، همان سرلرینی دوکرلر . بومیل مخصوصلرندن استفاده فرصتلرینی قاجر ماملیدر . بونلرك مافوقنده کی مأمورلردن معلومات استحصالی ایسه آنلرك توجهلریله برابر امنیتلرینی قزائغه توقف ایدر . انسان سومدیکی بر آدمک اییلکنه چالشمیه جنی کی نه سومدیکی ونده امنیت اولمدیغی برکمه سی محرم اسرارده ایده مز . حیات عمومی مزده بیله جاری اولان بوقاعده دیپلوماتسی عالمنده ده ازیاده اجرای حکم ایلر . شوقدرکه آخردن معلومات استحصالی هر دائم یالکیز بویکی حضائل ایله قابل اوله مز . سزنی مستفید ایدن برکمه ، سزدن ده برجهت استفاده آرار . بوبرحق مشروعدر . شوسبیله اخذ معلومات ایتمه نك ائک مؤثر چاره لرندن بری ده معلومات صاحب اولمق ، یعنی تعاطی استطلاعات ایتمک قادر اوله جق درجه لرده واقف احوال بولمق ، حتی واقف احوال کورنمکدر مسلکک بوجهتی پک دقیقدر . غایت احتیاطی طاور انملی ، نه کی معلوماتک اعطا وافشاسی مخدور دن سالم اولدیغنی تمیز ایده بیلملیدر . معلومات المق هوسبیله کنندی اسرار مزی کشف ایدر سه ک عکس نتیجه حاصل ، ضررلی بر آلیش ویریش اولور . قضیه تمیزده خطا ایتماک ، احتیاطسز بولونماق ایچون آمرلرك رأیی

آلمانی ، عالم سیاستی استغال ایدن بر مسئله حقنדה برسؤال واقع اولدینی تقدیرده
 نه صورتله حرکت ایدیله جکئی مافوقدن صورملیدر . بواسطیضاح هم تعیین حرکته
 اصابتی تأمین ایدر وحمد آمرك رأی خلافتده بر معامله یوزندن ناخشنود اولماسی
 احتمالی رفع ایلر . یوقاروده اخذ معلوماته موفقت چاره لرینك ذکری صره سنده
 «واقف احوال کورنك» قیدینده علاوه ایتم . بونك سببی برفقره ایله ایضاح
 ایده جکم ارباب دقت بوفقرده دن بر حصه استفاده چبقاره بیلور : آمرلار مدن بری
 هنوز یکی گلشیدی . نه ارقداش لرچی ونه ده بی اولدن طانیموردی . استانبولدن
 عربقی زمانه قدر جمله مزحقنده شونك بونك معلوماته مراجعت ایتمش ؛
 حققرمزده برر فکر پیدا ایتمش . محل مأموریتزده ده كرك تحصیل زمانندن
 بیله ککری ، وکرك سفارات ارکان مأموریتی آره سنده ده تحقیقاتنه دوام ایتمش ؛
 بو تحقیقاتی اکمال ایدنجیه قدر بن کندیسنك خیلی توجه وامنیتنی قزائمش
 بولونیوردم دیرکن برکون مکتب ارقداش لرندن برینه راست کلمش ، حقمنده کی
 رأینی صورمش : «اوت طانیرم ، پکائی برکنج ؛ قلبنده نه وارسه لساننده ده
 او !» جوانی المش . شوجوابه حسن شهادت نظریله باقارز دکلکی ؛ فی الحقیقه
 حسن توجه دلالت ایدر برشهادت فقط آمرمک عاداتا جانی صیقیلیمش . بی
 باباجه برتکدیر ایتدی وشونصیحتی ویردی : اوغلم آجیق یورکلیک برمرزیتدر ،
 بونی بنده تقدیر ایدرم ، فقط بومزیت مسالکمزده برنقیصه در . بر دیپلومات
 دائمابرقاب مکتومیت ارقه سنده طور یور کورنکی . نه هم بیله دیکئی سوبیلعلی ونه ده
 بیله دیکئی منزدره لیدر .

(مابعدی وار)

محمد صالح

ازهار مطالعه

یکرمنجی عصر ابتداسنده بریتانیا امپراطورلی

(امپره بالیزمک بحرانی)

موسیو ستاد قانادانك جنوبی آفریقایه عساکر معاونه اعزام ایتمسندر طولانی